



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1628. usque ad annum 1634

**Fleury, Claude**

**August. Vind. [u.a.], 1778**

**VD18 90118871**

§. 35. Yprensensis Episcopi statuta in Congregatione Decanorum.

---

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII.  
A. C. 1631.

## §. XXXV.

*Yprensus Episcopi statuta in Congregatione Decanorum.*

Anno priori Georgius Chamberlingus *Harzh.*  
 Yprensus Episcopus statuit, ut suæ *tom. 9. Concil. Germ.*  
 Diæcesis Decani omnes suos Parochos  
 convocarent, ac de rebus Disciplinam  
 Ecclesiasticam, morumque emendationem  
 spectantibus agerent: cum igitur  
 plura in nupera congregatione Episcopo  
 fuissent proposita, hinc die septima  
 Octobris hoc anno habita desuper de-  
 liberatione varias edidit constitutiones,  
 ac præter plures alias sanctiones statuit,  
 ut nequidem Capellani ultra tres dies  
 sine Decani licentia, & ne unum qui-  
 dem diem sine Parochi consensu a Pa-  
 rochia absint, & Ecclesiarum custodes  
 posthac non uxorati, sed cælibes &  
 tonsurati sint. Decevit quoque, ut  
 in omni suppellectile argentea nomen  
 Ecclesiæ, ad quam illa pertinet, in-  
 sculpatur: Præterea ad eradicandas  
 superstitiosas, vanasque observationes  
 Episcopus omnibus Pastoribus præcep-  
 tit, ut rudem populum edoceant, su-  
 perstitiosum esse, quod desponsati no-  
 lint audire suas proclamationes ante-  
 nuptiales, illasque diebus dominicis  
 potius quam festivis fieri velint: quod  
 mulie-

Sæc. XVII. mulieres purificari nolint feriis sextis, vel pro abundantia frugum, arbores stramine ligent, ancillæ servitium suum feria secunda inchoare nolint &c. Denique Parochos monuit, ut irrepetem abufum comedendi diebus Sabati intestina, farcimina & extremitates animalium, extirpare conentur.

## §. XXXVI.

*Concilium Provinciale Cameracense*

*Schanat  
Conc. Germ.  
tom. 4.*

Die decima octava Mensis Maji Franciscus Vander Burch Archiepiscopus, & Dux Cameracensis Provinciam celebrabat Synodum, in qua præter alia statuta abrogatur invalefcens corruptela, abigendi per strepitum eos qui tardius chorum ingrediuntur: præcipitur etiam, ut campanæ exorta aeris tempestate pullentur, tum ad tempestatem vi Divina, quæ ex solempre, sacraque benedictione illis inest, depellendam, tum ut fideles adorandum, & implorandam Dei misericordiam excitentur. Inhibet etiam Synodus, ne Ecclesiastici supplicis capite damnatorum interfint, nisi pia eorum opera fuerit requisita. Hæc, ceteraque hujus Synodi decreta non modo a supremo Belgii Senatu, sed etiam ab Urbano VIII. Papa die decima septima